


# 吳佩孚歷史

獨鶴  
題



中華民國九年八月再版



輯述者 東魯逸民

印刷者 光華社

發行者 光華社

總發行所 上海 麥家圈 交通路 新民圖書館

分售處 本外埠各大書坊

## 例言

(一) 本書輯述宗旨爲揭開黨爭黑幕對於雙方不偏不倚純從多數平民目光中觀察爲依歸

(一) 本書對於孚威將軍未敢遽下碇鑿之論斷本理學家可恃自新而立說  
(一) 本書特異之點爲紀載直皖兩系殘殺之真相既稔且詳關心國事者不可不人手一編可作民國野史政治小說讀

(一) 本書定價既廉且售特價爲普及起見而以血本關係不得限定限制故以三千部爲率三千部售罄之後當照定價折算愛閱者幸弗失之交臂

(一) 本書出版倉卒內容未免有魯魚亥豕之訛再版時當卽更正

# 吳佩孚歷史目錄

例言

上編

出身寒素之吳佩孚

身列膠庠之吳佩孚

肄業武備學校時之吳佩孚

王士珍與吳佩孚

吳祿貞與吳佩孚

張敬堯與吳佩孚

曹錕與吳佩孚

洪憲時代之吳佩孚

仗節入京之吳佩孚

(東魯逸民編述)

兵進岳州之吳佩孚

大戰長沙之吳佩孚

忽然停頓之吳佩孚

南北攜手之吳佩孚

南北議和之吳佩孚

馮段下台之吳佩孚

曹章陸賣國時之吳

三罷期內之吳佩孚

拒絕簽字之吳佩孚

王揖唐與吳佩孚

徐樹錚與吳佩孚

張作霖與吳佩孚

力爭直接交涉中之吳佩孚

第三師與吳佩孚

湘西小變時之吳佩孚

附錄吳佩孚之文章

反對外交之吳佩孚

附錄吳佩孚之詩

力主駁牒之吳佩孚

中編

閩案交涉中之吳佩孚

南軍假道時之吳佩孚

再接再厲之吳佩孚

豫督潮中之吳佩孚

動議撤防之吳佩孚

急欲撤防之吳佩孚

救國同盟軍之吳佩孚

客軍驅張中之吳佩孚

湘學潮中之吳佩孚

暫緩撤防時之吳佩孚

常德潮中之吳佩孚

堅請撤防之吳佩孚

魯學潮中之吳佩孚

歸心似箭之吳佩孚

政局變幻中之吳佩孚

漸次撤防之吳佩孚

八省同盟之吳佩孚

停頓撤防之吳佩孚

且請且撤之吳佩孚

欲行又止之吳佩孚

相映成趣之吳佩孚

各方挽留之吳佩孚

煞費經營之吳佩孚

實行撤防之吳佩孚

將去衡陽之吳佩孚

覓人替代之吳佩孚

暫駐醴泉之吳佩孚

一絲全局之吳佩孚

舉動安危之吳佩孚

馮玉祥與吳佩孚

十三省同盟之吳佩孚

### 下編

衡長道中之吳佩孚

長岳道中之吳佩孚

經過長沙時之吳佩孚

態度不明之吳佩孚

開誠布公之吳佩孚

武漢道中之吳佩孚

黃鶴樓頭之吳佩孚

豫漢道上之吳佩孚

汴梁城畔之吳佩孚

大陸報上之吳佩孚

字林報上之吳佩孚

歡迎聲中之吳佩孚

小住爲佳之吳佩孚

謠詠紛紜中之吳佩孚

秘密會議中之吳佩孚

先發制人之吳佩孚

關係重大之吳佩孚

張作霖入關與吳佩孚

保定會議之吳佩孚

六條辦法之吳佩孚

主張激烈之吳佩孚

一鼓作氣之吳佩孚

言論鋒鏗之吳佩孚

段祺瑞與吳佩孚

徐世昌與吳佩孚

槍林彈雨中之吳佩孚

衆望所歸之吳佩孚

# 吳佩孚歷史上編

(東魯逸民編述)

## ▲出身寒素之吳佩孚

距今四十年前。山東登州府蓬萊縣吳姓家。有呱呱墜地之兒。卽吾書主人翁。陸軍第三師師長。孚威將軍。推倒安福部。直系健將吳佩孚。佩孚字子玉。出身寒素。其父名字職業。隱佚無可考。迺兄子瞻。幼墮黑籍。長而無以爲活。設鋪爲業。佩孚早喪父母。賴子瞻夫婦撫育成。人。故至今有提及若兄嫂者。佩孚輒黯然而有所感。不忘扶養德也。子瞻初設肆於蓬萊城內亂岔石街。繼遷於財神廟院。佩孚時走讀於某私塾。每自塾中歸。恆以餘力助其兄。故佩孚入泮後。好事者撰滑稽聯語以贈之。曰。(想那兄在財神廟。通槍挖斗爲萬人奴。何其卑也。看令弟登聖人堂。插花戴頂步諸生後。豈不樂哉。)佩孚聞之。付之一笑。亂世人才與儻列封圻。不足爲怪。故余著吳佩孚歷史。正不必爲其出身寒微諱也。



▲身列膠庠之吳佩孚

吳佩孚曾於前清某年科考取第八十七名秀才入學。其時主山東學政者爲姚丙然。考題爲（惟女子與小人爲難養也）。吳議論通激。姚頗嘉許。發落時。面獎榮語。當時蓬萊士林。傳以爲異。僉曰。不圖吳二小子。福分如是之大。吳會兩赴秋闈。未能中式。每與人言。輒斥試官之無眼。

▲肄業武備學校時之吳佩孚

科舉廢後。吳至保定。出其囊中歷年來之積蓄。入武備學校肄業。庸庸無所表見。時靳翼青爲中班教員。忽以國士目吳。吳遂發奮用功。期無負於靳之青眼。學成。翼青撫其背曰。子玉。余所望於汝者甚大。今後好白爲之。吳感激至於零涕。唯唯而退。故此次之肯首先出頭。與老段爲難者。實所以報靳知己之感也。吳雖爲曹仲珊之信人。實則靳翼青之愛徒耳。

▲王士珍與吳佩孚

吳旣卒業。歷年餘賦閒無事。徜徉京保間。會上士珍提督江北。吳適於是時晤。靳翼寺。靳稔知其旅况艱困。遂引荐於王。王攜至江北。命爲差遣。吳善伺人意。王漸信任之。未幾令司傳宣之職。如督撫署之巡捕官然。一日有狼山守備來謁。時常溽暑。王特布一通告在外曰。「天氣炎熱。各該屬員。暫免照例參謁。惟有緊要軍情。報告本提督者。不在此例。隨到隨傳。」守備旣遞手版與號房。號房入稟於吳。日當正午。吳嫌麻煩。信口曰。翌晨晉謁可也。號房出諭守備。詎若人強硬。指隨到隨傳四字曰。頃有巡防要務。安可隔宿。大帥旣有明諭。汝輩安得阻擋。號房復入告吳。吳大悲。默忖若人可惡。必有以戲之。迺整頂帶入內私叩王之親信曰。大帥午餐進未。親信曰。尙未。吳卽託其關切。俟王開飯之際。吳遽入內稟報。云狼山守備急欲晉謁。面陳要公。王謂令其明日再來。吳曰。該守備刻不待緩。部下已曾擋駕。彼反指部下弄權。務請大帥傳見。王大不悅。含怒曰。傳其來。俄頃守備入謁。王卽曰。老兄亦太心急。本提督正進午餐之際。汝已

迫不及待。即使老兄在貴衙門進餐。有人以今日老兄施於我者。施之恐亦不堪承教。況際茲昇平時代。老兄安得捏造緊要軍情。聳人動聽。且誣我隨從有索賄等情。不念前功。定處懲戒。有事明晨來報可耳。言已。端茶送客。守備色喪氣沮而退。識者知吳機變如此。將來非同小可矣。

▲吳祿貞與吳佩孚

新軍將材吳祿貞。爲此中之一。固盡人而知。當王士珍丁內艱卸任。繼之者爲段祺瑞。夾袋中人物頗多。吳佩孚不得不隨王俱北。吳綬卿正得錫良密薦。授鑲紅旗蒙古副都統。充第七鎮統制。王遂以吳荐之。祿貞。祿貞授爲標本部二等差遣官。吳佩孚之多才也。更投贄其門下。殷殷詢求軍事學識。祿貞素以甄拔賢才。造就後進自許。故亦誠懇誨之。孳孳不倦。吳在部下。一年餘。所益較母校爲勝。故今日吳能以長於治軍名天下者。實賴綬卿之賜也。

▲張敬堯與吳佩孚

吳綬卿石家莊被刺之後。第七鎮歸張敬堯統帶。時吳佩孚已爲營長。知敬堯不學無術。私嘗笑之爲匹夫之勇。或有告敬堯。敬堯銜之刺骨。屢欲撤其差委。苦無隙乘。吳亦明知難以久安於位。故急謀他去。幸靳翼青已爲公府軍事顧問。吳遂極力懇爲設法。故張與吳之仇恨。不僅在爭奪湘督一事。遠因已種於此時矣。

### ▲曹錕與吳佩孚

光復之後。所有前清招練之新軍。全改歸部轄。改鎮曰師。曹錕出身寒末。天津人。曹實曾肄業保定軍官學校者。彼時曹爲第三鎮統制。改師以後。當然曹爲師長。而民國元年二月二十九日。劫掠京津。名譽大壞。事後不得不整頓屬僚。懲罰軍官。開缺者不在少數。然旣處分犯事軍官。不得不物色英才。以補其缺。王士珍時方養疴正定原籍。貽書於曹。盛稱吳子玉可用。而靳翼青亦舉吳於曹前。曹遂調之爲營長。後曹爲直督。兼四省經略。乃以師長一席畀佩孚云。

▲▲洪憲時代之吳佩孚

袁世凱帝制自爲之日。曹錕亦爲凌烟閣功臣之一。吳雖未明示反對。然衷心不以爲然。曹密告袁氏。袁爲籠絡計。賚以薄爵。吳愈覺爲難。及聞討袁軍起。吳亟入謁曹氏。請其嚮應。曹猶豫未決。吳謂苟不應時崛起。恐將不利於明公。曹迺與之約。袁氏方面。由曹親自敷衍。而甯馮贛李鄂王等督。由吳敷衍。互相爲果。故帝制失敗。曹以不倒。端賴吳氏之力。由是感情益洽。

▲▲仗節入京之吳佩孚

黎元洪之爲總統也。憤段之驕橫。遽免其職。於是有督軍團之發現。張大辯誤入圈套。演成復辟怪劇。段芝泉馬廠誓師。假陳光遠李長泰之兵力。將張逼入荷蘭使館。其實預謀復辟者。大約袞袞諸公。無一不參贊其事。故張避走後。屢欲將此事證據。擬宣佈報端。後竟蒙特赦異榮。職是故耳。是時段攻老張。曹亦起而助威。委吳爲前敵總司令。率師討伐。吳時仍旅長。居然代行師長職務。仗

節入京。然兵抵房山及涿州。都下之滑稽新劇。已宣告閉幕。吳亦中止不行。於是世人漸知有吳佩孚其人。

### ▲兵進岳州之吳佩孚

黎倒後。段擁馮上台。詎段主戰。故遣傅良佐入湘。周道剛劉存厚入川。傅湘人。日本士官學校畢業生。字清節。周字鳳池。與傅爲同學。雙流井人。劉亦川產。字積之。亦與傅同學。段意以湘治湘。以川治川。殊不知傅至湘後。首責零陵鎮守使劉建藩。有通敵嫌疑。劉卽宣告獨立。周則爲吳光新所扼。讓權與劉。劉又爲熊克武管金聚所攻。訐湘省方面。指揮前敵。爲范國璋王汝賢。其時馮主和。不直段所爲。密遣其婿陳之驥。暗中排布。范王竟倒戈相向。傅無奈出走。長沙爲南軍所得。今日所謂大總統之徐東海。時居津門。一日曹錕往見。徐謂芝泉自信力太甚。華甫亦太陰險。祇圖私爭。不顧體面。老北洋面子。將從此掃地耶。仲珊亦不應迎拒其間。當思所以維持保定軍官學校老牌子也。曹聞言有難色。

蓋渠爲馮之信人。而因目前地盤關係。不得不與段派周旋。退而謀之吳佩孚。吳曰。是不難也。遂定一八面俱到之上策。吳仍爲前敵司令。出發湘省。湘中南軍。僅劉建藩林修梅趙恆惕三人之師。可以交戰。然衆寡不敵。吳一戰而克。遂踞岳州。軍威大震。吳自詡是役爲隋唐時裴元慶之走馬取金堤焉。

▲大戰長沙之吳佩孚

吳既得岳。段氏大悅。曹遂有四省經略使之任命。吳亦爲第三師師長矣。馮大駭。密叩曹。何以叛離。曹謂謀出萬全。決不令我公爲難也。旋曹亦至前敵。令吳進攻長沙。譚延闓本文弱書生。且湘人對其政績。毀譽參半。設譚爲人傑。吳佩孚亦斷難成如許大名。譚若果敢善戰。癸丑之役。早與李烈鈞響應。不致使湘經幾番痛苦矣。當時吳師至。譚雖未若傅良佐之倉皇出走。然亦手足無措。仰賴林劉趙抵禦。然是三人爲自己地盤起見。初曾與吳血戰。繼則各謀其位。譚不得已遁走海上。吳遂得長驅直入也。

▲忽然停頓之吳佩孚

吳既得長沙。乘勝追勦。乃至衡陽。而馮已頻電曹錕。勸其適可而止。段聞之。悉曹真兼有四省地盤。致已不利。同時令第七師入湘。名爲援助。實則監視。曹大不悅。而川局又爲熊克武佔優勝。熊本與馮同聲相應者。何苦自殺。且久戍。與直督地位。將有動搖。故曹遂翩然歸。而吳遂忽然止也。張則狐假虎威。日以屠戮湘民。搜刮貨財爲旨。吳本與之不洽。意見遂日深矣。

▲南北攜手之吳佩孚

張入湘之初。兵力薄弱。吳不以爲慮。未幾范國璋。李奎元。田樹勛。等等之軍。悉歸張節制。吳見勢不佳。遂與趙恆惕等。亦暗中攜手。以自固。萬一張敬堯反目。則可以西南爲退步。馮銜段之請。賚孚。威將軍爵於吳。所以敷衍備至。然不事湘省督軍。僅賚以虛榮。終不能使之入轍也。

▲南北議和之吳佩孚



馮主和政策。漸戰勝段之主戰政策。朱啓鈴銜命來滬。與西南所派定之總代表唐少川。假黃浦灘德國總會開議。其時各省主和主戰之電。紛紛不一。然外省諸長官。大抵視中央爲轉移。馮勝段敗。當然主和之電。較多於主戰之電。而吳佩孚之主和電。幾無日不有。苟若輯入我書。洋洋大文。洵屬可觀。惟吳當時之電。不外以民生國計爲前提。千篇一律。故不錄。

▲馮段下台後之吳佩孚

段策失敗。心有不甘。於是又生出一種兩敗俱傷之計。別立安福部。舉徐世昌爲總統。已則與馮同時下台。吳佩孚聞之。煞費躊躇。屢電曹請示辦法。彼時反對直派者。指仲珊爲操刀鬼。曹正。子玉則智多星。吳用。試問鬼之道。安及星之光耶。故曹覆電。有自行裁奪云云。吳遂通欵西南。願爲前驅。以逐張敬堯。西南聞信。密令和議中止。故唐遂面斥朱過。而提辦法五條。蓋皆由吳通欵一言。故有持無恐。敢毅然拒絕也。